

1930

## Tonfilm-Clique

## Melody:

Dr Refrain vom Liedli „Wär will unter die Soldaten!“



● Motto: Zahligsbank und Styrefreihait,  
Militärstürumzugs-Nejhait . . .

Was isch denn e Zahligsbank  
Gegen e rächte Schnitzelbank!  
Mir wänn kaim sy Rueh zwor raube,  
Doch dr Miescher darf is glaupe:  
Aer hätt unseri Mainig gly gspyrnt,  
Hätt er's je problert und d'Schnitzelbänk bistyrnt!

's Militärstürpersonal  
Mues jetz unse, 's isch fatal —  
Gärn gbeert besch dur d'Schalter dure  
Heeffligkaitserfillti Schnure:  
Hätt me DIE in d'Bankeschalter gsteckt,  
Wär die Bank an Mordskulanz sehr gschwind verreckt!

● Motto: Mahlmaneever: Strub, dr ruehvoll —  
Näbedra: e Steurischuehvoll . . .

Unseri Birgergwärbpartei  
Het als Sprochrohr, 's isch nit dej  
(nomen-omen . . . Blatt wie Ma:)  
E saftigi „Rundsau“ vornedra:  
Und die metzget me vor Strofgricht frisch,  
Trotzdäm dr Kläger Steuri sälber Richter isch . . .

Dä Prozäss kennt me fast nenne  
„Dokter-Steher-Flieger-Renne“:  
Dr Strub stoht gschickt das „Renne“ dure —  
Dr Kläger Steuri fliegt uff d'Schnure;  
D'Wellauer-Hill, die blyt — e Wahn:  
Dä zieht sich zugg — dä intressiert nur d'Radrennbahn!

● Tonfilm-Motto: „Y mues sofort fir my Ma  
Sonny-Boy-Grawatte ha!“

De Kino goht's jetz wider guet,  
Sid me d'Teen verfilme tuet;  
Und im Dunkle, ai—ai—ai,  
Pflätzt me-n-in mäng „Sonny Bai“ —  
Speeter kriegt mäng Maitli grad vo däm  
E galne „Sonny Boy“ und waiss nit rächt, vo wäm!

● Motto: D'Frog rund um dr Demokrat  
Haisst: kain — oder Kirche-Staat?

Die dunkelschwarzi Religion  
Als „Staatsperson“, das wär e Hohn,  
Wo mir grad d'Reformation  
Hänn gfyrt im Stichelbärgerton!  
's läbt sowieso dr Bolitzeisoldat  
In Basel im e Niderhuuserkirchestaat!

● Motto: Wäxlet dr Bsitzer und 's Lokal —  
D'Kundschaft blybt glych uff jede Fall!

's Restaurant Hungaria  
Het d'Finanzmalaria;  
Nohdäm Zwai kaputt sinn gange,  
Het me 's Dancing jetz agfange:  
Und De merksch, sottsch je ins Dancing goh:  
„Stierebluet“ und „Gulasch“ git's au hitte noh!

● Motto: Wär päcklet wird zem Lohnhofsuech,  
Dä kunnt ins goldig Moskau-Buech!

Zahmi Veegel git's in Keefi;  
Doch au sonige, wo d'Breevi  
Nit grad dick im Vogelbluet isch,  
Zaigt me, wiene Keefi guet isch:  
's gseht's doch jeden uff dr Wält y: ohni Wälti  
Und die andere rote Veegel ka me sy!

● Motto: Klopfgaist breitet sich nicht aus,  
Hast du einen Mann im Haus!

's Wyberhaim, das isch, persé,  
Ganz e glungeni Idäe;  
Wehe, Wehe, dreimol Weh',  
Liest sich je e Ma drinn gsch . . .  
Doch es froggt sich nummen Ais derby:  
Ob die Wyber ohni — Glopfgaischt kenne sy!

● Motto: Sit 's Parking uff em Saibi unde,  
Het mängi besser Aschluss gfunde!

Dr Seibi het jetz, lueg au do,  
Dr „Strich“ gar offiziell biko!  
Und sott e Damenau'o ko  
Und saifi denn dr Schugger do:  
„Frailain, Si fahren uff dr Strich!“  
Derftsch en nit emole strooffe fir so Sprich!“

**Kemmet alli am Sunnig z'Obe am siebent  
In Muusigsaal an Schlußobe  
vo de Comité-Schnitzelbänk!**